

საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი

ბ რ ძ ა ნ ე ბ ა № 01-11/90

ქ. ბათუმი

03 ოქტომბერი, 2018 წ.

ბსუ-ს სპეციალური სასწავლო სოციალური პროგრამის
„სტუდენტთა შეღავათები სწავლის საფასურში“ 2018-2019 სასწავლო წლის
პირველ სემესტრში განხორციელების მიზნით კონკურსის გამოცხადების შესახებ

„უმაღლესი განათლების შესახებ“ საქართველოს კანონის 23-ე და 24-ე მუხლის, ბსუ-ს წესდების მე-15 მუხლის, „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებისა და სტუდენტთა კარიერული განვითარებისა და მხარდაჭერის განყოფილების უფროსის ლაშა მიქელაძის 2018 წლის 2 ოქტომბრის №1255055 მოხსენებითი ბარათის საფუძველზე,

ვ ბ რ ძ ა ნ ე ბ ა:

1. გამოცხადდეს კონკურსი ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ 2018-2019 სასწავლო წლის პირველ სემესტრში განხორციელების მიზნით.
2. პროგრამის ბიუჯეტი განისაზღვროს 30 000 (ოცდაათი ათასი) ლარით.
3. კონკურსში მონაწილეობა შეუძლია ბსუ-ს საბაკალავრო პროგრამის სტუდენტებს და შეზღუდული შესაძლებლობის მქონე პირებს (აკადემიური უმაღლესი განათლების სამივე საფეხურის სტუდენტებს).
4. კონკურსის ჩატარების ვადები განისაზღვროს შემდეგნაირად:
 - ა) ბსუ-ს სტუდენტთა განცხადებებისა და საბუთების მიღების პერიოდი - 2018 წლის 5 ოქტომბრიდან 16 ოქტომბრის ჩათვლით, შაბათ-კვირის გარდა, 10:00 სთ-დან 17:00 სთ-მდე;
 - ბ) საკონკურსო კომისიის მიერ წარმოდგენილი განცხადებებისა და საბუთების განხილვის პერიოდი - 2018 წლის 17 ოქტომბრიდან 19 ოქტომბრის ჩათვლით;
 - გ) კონკურსის შედეგების გამოქვეყნება კომისიის სამუშაო ადგილზე (ბსუ-ს II კორპუსი, სტუდენტთა კარიერული განვითარების, კულტურისა და სპორტის დეპარტამენტის სამუშაო ოთახთან) - 2018 წლის 22 ოქტომბერი;
 - დ) კონკურსის შედეგების გასაჩივრება (აპელაცია) 2018 წლის 23 ოქტომბერი (ბსუ-ს კანცელარიის მეშვეობით);
 - ე) საკონკურსო კომისიის მიერ სააპელაციო საჩივრების განხილვა და საბოლოო შედეგების ბსუ-ს ვებგვერდზე გამოქვეყნება - 2018 წლის 24 ოქტომბერი;
 - ვ) შეღავათის მინიჭების შესახებ ადმინისტრაციის ხელმძღვანელის ბრძნების გამოცემა არაუგვიანეს 2018 წლის 25 ოქტომბრისა.

5. საკონკურსო განცხადებებისა და საბუთების მიღება განხორციელდეს ბსუ-ს სტუდენტთა კარიერული განვითარების, სპორტისა და კულტურის დეპარტამენტში (ქ. ბათუმი, ნინოშვილის/რუსთაველის 35/32, მეორე კორპუსი, სტუდენტთა კარიერული განვითარების, სპორტისა და კულტურის დეპარტამენტის სამუშაო ოთახი) და აღირიცხოს სარეგისტრაციო ჟურნალში.

6. პროგრამაში მონაწილეობის მისაღებად სტუდენტებმა უნდა წარმოადგინონ:

ა) განცხადება (თანდართული ფორმით - დანართი 1);

ბ) საქართველოს მოქალაქის პირადობის მოწმობისა (პასპორტის) და დაბადების მოწმობის ასლი (წარედგინება დედანთან ერთად);

გ) ფაკულტეტის მიერ გაცემული ცნობა სტუდენტის აკადემიური მოსწრების შესახებ (ცნობა გაიცემა მხოლოდ სტუდენტის აქტიურ სტატუსში მყოფ პირებზე);

დ) შეღავათის კრიტერიუმის/კატეგორიის განსაზღვრისათვის საჭირო დოკუმენტაცია, რომელიც გათვალისწინებულია სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებით (დამტკიცებული პროგრამის მე-4 მუხლი).

7. ბსუ-ს სპეციალური სასწავლო სოციალური პროგრამის „სტუდენტთა შეღავათები სწავლის საფასურში 2018-2019 სასწავლო წლის პირველ სემესტრში განხორციელების მიზნით შეიქმნას საკონკურსო კომისია შემდეგი შემადგენლობით:

ა) მერაბ დიასამიძე - სტუდენტთა კარიერული განვითარების, კულტურისა და სპორტის დეპარტამენტის უფროსი (კომისიის თავმჯდომარე);

ბ) ლაშა მიქელაძე - სტუდენტთა კარიერული განვითარების, კულტურისა და სპორტის დეპარტამენტის სტუდენტთა კარიერული განვითარებისა და მხარდაჭერის განყოფილების უფროსი (კომისიის მდივანი);

გ) რევაზ ოკუჯავა - სტუდენტთა კარიერული განვითარების, კულტურისა და სპორტის დეპარტამენტის, კულტურისა და სპორტის განყოფილების უფროსი (კომისიის წევრი);

დ) გიორგი დიასამიძე - იურიდიული დეპარტამენტის მთავარი სპეციალისტი - კომისიის წევრი;

ე) ირმა დიასამიძე - საფინანსო-ეკონომიური დეპარტამენტის მთავარი სპეციალისტი - კომისიის წევრი (კომისიის წევრი);

ვ) ედიშერ ჩავლეიშვილი - ბსუ-ს ადმინისტრაციის ხელმძღვანელის აპარატის უფროსი (კომისიის წევრი);

ზ) დავით ქობულაძე - სტუდენტური თვითმმართველობის თავმჯდომარის მოვალეობის შემსრულებელი (კომისიის წევრი).

8. კომისიამ მუშაობისას იხელმძღვანელოს წინამდებარე ბრძანებითა და „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის

დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილებით.

9. ბრძანება საჯარო გამოცხადების მიზნით განთავსდეს უნივერსიტეტის ვებგვერდზე, (ველში „სწავლა“ და „კონკურსები“) და უნივერსიტეტის ადმინისტრაციულ შენობაში თვალსაჩინო ადგილას, ასევე გასაცნობად და სახელმძღვანელოდ დაეგზავნოს ბსუ-ს შესაბამის სტრუქტურულ ერთეულებს.
10. ამ ბრძანების შესრულებაზე კონტროლი დაევალოს სტუდენტთა კარიერული განვითარების, კულტურისა და სპორტის დეპარტამენტმა.
11. ბრძანება ძალაშია ხელმოწერისთანავე.

ადმინისტრაციის ხელმძღვანელი



გ. ანანიძე

ბსუ-ს სპეციალური სასწავლო სოციალური პროგრამის
„სტუდენტთა შეღავათები სწავლის საფასურში 2018-2019 სასწავლო წლის
პირველ სემესტრში განხორციელების მიზნით კონკურსის გამოცხადების შესახებ“
ადმინისტრაციის ხელმძღვანელის 2018 წლის 3 ოქტომბრის №01-1/60 ბრძანების

დანართი 1

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტის
ადმინისტრაციის ხელმძღვანელს, ბატონ ჯემალ ანანიძეს

(ფაკულტეტი)

(საგანმანათლებლო პროგრამა და სწავლების წელი)

(სახელი, გვარი, პირადი ნომერი)

გ ა ნ ც ხ ა დ ე ბ ა

მსურს მონაწილეობა მივიღო გამოცხადებულ კონკურსში, რადგანაც მივეკუთვნები „სსიპ - ბათუმის შოთა რუსთაველის სახელმწიფო უნივერსიტეტში სპეციალური სასწავლო სოციალური პროგრამის „სტუდენტთა შეღავათები სწავლის საფასურში“ განხორციელების წესის დამტკიცების თაობაზე“ ბსუ-ს წარმომადგენლობითი საბჭოს 2016 წლის 9 მარტის №4 გადაწყვეტილების თანახმად განსაზღვრულ, ქვემოთ აღნიშნულ (მონიშნულ) შემდეგ კატეგორიას:

○ ა) სტუდენტი, რომლის ოჯახი რეგისტრირებულია სოციალურად დაუცველი ოჯახების მონაცემთა ერთიან ბაზაში, მისი ოჯახის სარეიტინგო ქულა ტოლია ან ნაკლებია 100 000 ქულაზე და წინა სემესტრის შედეგების მიხედვით, ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ ბ) სტუდენტი, რომელიც არის შეზღუდული შესაძლებლობის მქონე და წინა სემესტრის შედეგების მიხედვით ყველა სასწავლო დისციპლინაში მიღებული აქვს შეფასებები, ტოლი ან მეტია 51 ქულაზე;

○ გ) სტუდენტი, რომელიც არის საქართველოს ტერიტორიული მთლიანობისთვის ბრძოლაში დაღუპულის ან საქართველოს ტერიტორიული მთლიანობისთვის ბრძოლაში უგზო-უკვლოდ დაკარგულად აღიარებულის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ გ).1. სტუდენტი, რომელიც არის საქართველოს ომისა და სამხედრო ძალების ვეტერანის შვილი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ დ) სტუდენტი, რომელიც არის ობოლი (დედით ან მამით) და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

–
○ ე) სტუდენტი, რომელიც არის იძულებით გადაადგილებული (დევნილის) სტატუსის მქონე და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ ვ) სტუდენტი, რომელიც არის მრავალშვილიანი (ოთხი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ ზ) სტუდენტი, რომელიც არის მრავალშვილიანი (ხუთი და მეტი შვილით) ოჯახის წევრი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ თ) სტუდენტი, რომელიც მიეკუთვნება შესაბამისი კომპეტენციის მქონე სახელმწიფო უწყების მიერ დადგენილი ეკომიგრანტის (სტიქიით დაზარალებული) ოჯახს, რომლის სახლის დაზიანება შეფასებულია პირველი ან მეორე კატეგორიით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

–
○ ი) სტუდენტი, რომელიც არის მარტოხელა დედა, რაც დასტურდება შესაბამისი კომპეტენციის მქონე სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ კ) სტუდენტი, რომელიც არის მხოლოდ ერთი მშობლის მზრუნველობის ქვეშ, რაც დასტურდება შესაბამისი კომპეტენციის სახელმწიფო უწყების მიერ გაცემული დოკუმენტებით და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

○ ლ) სტუდენტი, რომლის და ან/და ძმა ასევე არის ბსუ-ს სტუდენტი და წინა სემესტრის შედეგების მიხედვით ყველა სასწავლო დისციპლინაში მიღებული შეფასებები, საშუალო არითმეტიკულით ტოლი ან მეტია 71 ქულაზე;

განცხადებას თან ერთვის ჩემს მიერ მითითებული შეფასების კატეგორიის დამადასტურებელი შემდეგი დოკუმენტაცია:

1.;
2.;
3.;
4.;

გთხოვთ, განიხილოთ ჩემი კანდიდატურა და გამარჯვების შემთხვევაში მომცეთ შესაბამისი კატეგორიის დაფინანსება.

დანართი: — ფურცელი.

განმცხადებლის საკონტაქტო ინფორმაცია:

მისამართი: _____

ტელეფონი: _____ მობილური _____

E:mail _____

(ხელმოწერა)

(თარიღი)